



THE AMERICAN IDO SOCIETY

A. ROSTROM, SECRETARY
PITTSBURGH PENNSYLVANIA
UNITED STATES OF AMERICA

ADDRESS REPLY TO
POST OFFICE BOX 244
ELYRIA, OHIO
U. S. A.

DEPARTMENT OF PUBLICATIONS
EARL WALTER SUTTON
DIRECTOR

La Sesma di januaro, 1923

Prof: o G. Peano,
Cavoretto, Torino, Italia
Kara Samideano:

R. 26
con proposta del contratto.

1002, D'4, 2.8, 4.3, 1922.3.4, Bone G. Sant.

Komence aprilo, 1923, me publikigos jurnalo en Angla ed Ido, propaganta la linguo internaciona. Me esas Idista, ma me ne esas *fanatika* Idisto. Me kredas, quankam, ke Ido esas la maxim bona solvuro dil problemo dil linguo internaciona qua existas cadie. Ma me nule deziras asertar ke Ido esas perfekta, pro ol havas multa difekti. On ya povas *plubonigar* ol tre multe (ex. *per remblasar ta vorto per improvar, od ula simila vorto, qua esas plu internaciona*).

Me questionas me kad o ne la Idisti suportos mea esforci. Me nule deziras fendar la Idomovado, e me submisus la decidi dil Akademio Idista, ma me nule cesos luktar por la reformi qui esas necesas en ta linguo.

Me dicis ke me opinionas ke Ido esas la maxim bona linguo cadie. Morge ol ne esos la maxim bona linguo, sen ke ol progresos! Esas tre multa radiki en la linguo qui ne esas sat internaciona. Oli esas radiki qui esas Angla-Teutona (A. Teutonic). Ma tala vorti quala *hemo, mustar, darfar edc.* me me eskartas, mem quankam oli esas Angla-Teutona, pro ke oli servas quale pure Angla-Latina vorti ne povas servir. Esas altra vorti qui esas simila. Ma, *ucelo, vundar, edc.* me certe eskartus favore di *ornito, vulnerar edc.* qui esas tote internaciona. Mem *vokabulo* esas tre internaciona, pro ni ya havas la Angla vorto, *vocable*, qua havas ta sama signifiko.

Me ne povas aprobar *Latino Sine Flexione*, ma esas bona kozi en ol qua Ido povus bome imitar. Multa Ida vorti quale *badde, yen, morge, edc.* me ne opinionas esar bona selekti. Me deziras vidar la adopto dil linguo internaciona, ma Ido ne vinkos, nek, *Latino Sine Flexione*. Ma me opinionas ke

Prof. G. Peano, 2.

Ido bezonas plu min chanji kam irgaltra linguo.

Kad vu voluntus sendar ~~me~~ exemplero di la gramatikelibro di *Latino Sine Flexione*? Me tre volunte pagus vu po ol. Anke, lexiko, sive **L**-A. o L.-I. Ne importas qua linguo vu selektas, ecepte ke me deziras sive, Angla, Franca, Hispana od Italia.

Anke, se vu publikigos jurnalono, voluntez sendar ol a me. Me sendos la "*International Language*" ta vu. Me publikigos kurta artiklo pri la linguo internaciona en *Latino Sine Flexione*, se vu sendos tala artiklo. Ne uzez plu kam 2000 vorti, tamen.

Kun omna bona deziri, de,

Earl Walter Sutton